

# ESTATUTOS



## CAPITULO I

### NORMAS XERAIS

**ARTIGO 1º.**- A Sociedade Deportiva de Cazadores .. DÉ PORTAS..... é unha Asociación Privada con personalidade xurídica e capacidade de obrar, integrada por persoas físicas, que ten por obxecto exclusivo o fomento e a práctica deportiva da CAZA e actividades deportivas relacionadas co devandito exercicio, sen ánimo de lucro.

**ARTIGO 2º.**- A Sociedade Deportiva de Cazadores ...DÉ PORTAS..... practicará como principal modalidade deportiva a CAZA e afiliarase á Federación Galega de Caza, someténdose e acolléndose á súa tutela e desceplina. A Federación Galega de Caza elevará estes Estatutos á ratificación da Secretaría Xeral para o Deporte da Xunta de Galicia, solicitando a súa inscrición no Rexistro de Asociacións Deportivas e Deportistas de Galicia, conforme á Lei 11/1997, Xeral do Deporte de Galicia.

A Sociedade Deportiva de Cazadores .....DÉ PORTAS..... practicará asemade as modalidades deportivas de .....CAZA ..... funcionando a este fin as seccións deportivas correspondentes, que se adscribirán ás respectivas Federacións, sen prexuízo de que a Asemblea Xeral poida acorda-la creación de novas seccións.

**ARTIGO 3º.**- O domicilio social da Sociedade Deportiva de Cazadores . DÉ PORTAS....., fíxase na rúa/lugar de .....R.A PEIRA....., nº26 piso ...., código postal ...36658..... teléfono/s ...606...856...853.., fax 54.8113., concello de ...PORTAS....., provincia de ...PONTEVEDRA.....

A Xunta Directiva, cando as circunstancias así o aconsellen, poderá decidi-lo cambio de domicilio social dentro da mesma localidade, sendo preceptiva a ratificación posterior da Asemblea Xeral Extraordinaria. Para o traslado do domicilio social a outra localidade, que deberá de ser sempre dentro do territorio da Comunidade Autónoma de Galicia, será necesario o acordo da Asemblea Xeral extraordinaria.

En ámbolos-dous casos, o traslado do domicilio social non implicará a modificación dos Estatutos, pero terá que ser notificado á Federación Galega de Caza e á Secretaría Xeral para o Deporte da Xunta de Galicia (Rexistro de Asociacións Deportivas e Deportistas de Galicia).

A Sociedade Deportiva de Cazadores ..DÉ PORTAS....., conta tamén coas seguintes instalacións e locais propias .....

....CRADENO DE COELLOS AVIOLINAS EN SEMILIBERTADE.....

....ALMAZOU DÉ 100 m².....

## CAPITULO II

### CLASES DE SOCIOS, ADMISION E OBRIGACIONES

**ARTIGO 4º.**- O número de socios será ilimitado. Nembargantes a Asemblea Xeral poderá suspende-la admisión de novos socios cando así o esixan razóns de aforo ou capacidade. Os socios poderán ser das seguintes clases: de número, aspirantes, familiares e honorarios.



**ARTIGO 5º.-** Son socios de Número todas persoas maiores de idade, que satisfagan a cuota establecida pola Asemblea Xeral Extraordinaria, e reúnan os seguintes requisitos

- QUE SEAN... NACIDOS... EN... EL... MUNICIPIO... - PRESIDENTES... (LENSAOS... EN... EL... CONCELLO)

- EL... QUE... TENGA... FINCAS... CEDIDAS... A... UN... SOLICITANTE... PARA... EL... A PROXECTAMIENTO

. DE... LA... CAZA... CON... UNA... SUPERFICIE... QUE... A... INICIO... DE... LA... XUNTA... DIRECTIVA... SEA... LO...

. SUFICIENTEMENTE... AMPLIA...

- LOS... CASADOS... CON... VECINO... O... VECINA... DEL... CONCELLO...

Os menores de 18 anos, serán clasificados como socios Aspirantes, tendo dereito ó uso das instalacións sociais mediante a cuota que determine a Asemblea Xeral Extraordinaria, e pasarán automaticamente a socios de Número ó cumprí-la maioría de idade, sempre e cando reúnan os requisitos establecidos para os socios de número.

Son socios Familiares todas aquelas persoas que dependan economicamente dun socio de Número e convivan con él no mesmo domicilio.

Serán socios Honorarios aquelas persoas ás que a Asemblea Xeral confira esta distinción e contarán cun posto de preferencia nos actos oficiais da Sociedade.

## **ARTIGO 6º.-**

1 . Os socios de Número terán os seguintes dereitos:

- a) Contribuir ó cumprimento dos fins específicos da Sociedade.
- b) Esixir que a Sociedade se axuste ó disposto na Lexislación e Normativa autonómica deportiva, Normas da Federación Galega de Caza, ó establecido no presente Estatuto, e calquer outra Lexislación ou normativa vixente que lle sexa aplicable por razón do seu obxecto social.
- c) Separarse libremente da Sociedade.
- d) Coñece-las actividades da Sociedade e examina-la súa documentación, previa petición razonada ó Presidente ou Xunta Directiva.
- e) Expoñer libremente as súas opinións no seno da Sociedade, especialmente nas Asembleas Xerais.
- f) Ser elector e elixible para os órganos de representación e goberno da Sociedade, sempre que teña plena capacidade de obrar e reúna os demais requisitos que se mencionan no Anexo I dos presentes Estatutos.
- g) Ser membro da Asemblea, con dereito a voto, sempre que estea en posesión da Licencia Federativa de Caza en vigor.

2 . Son obrigacións dos socios de número:

- a) Aboa-las cuotas que determine a Asemblea Xeral Extraordinaria.
- b) Contribuir ó sostento e difusión do deporte ou modalidades deportivas da Sociedade.
- c) Acatar cantas disposicións dicte a Asemblea Xeral, a Xunta Directiva ou o Presidente, para o bo goberno da Sociedade.

3 . Os socios Aspirantes terán dereito a disfrutar dos servicios e instalacións sociais da Sociedade que determine a Asemblea Xeral.

4 . Os familiares dos socios de Número terán dereito a disfrutar daqueles servicios e instalacións que determine a Asemblea, previo pago da cuota fixada pola Asemblea Xeral Extraordinaria.

**ARTIGO 7º.-** Para ser admitido como socio en calquera das súas modalidades é necesario :



1. Te-la idade sinalada para cadaunha delas.
  2. Solicitude por escrito dirixida ó Presidente.
  3. No caso dos socios de Número, reuni-los requisitos sinalados no artigo 5 anterior.
  4. Satisfice-la cuota de ingreso correspondente.

**ARTIGO 8.-** A condición de socio Pérdese:

- a) Por vontade propia.
  - b) Por falta de pago das cuotas sociais, previo requerimento do pago, e consecuente Resolución da Xunta Directiva.
  - c) Por acordo da Xunta Directiva, ratificado pola Asemblea Xeral, fundado en faltas de carácter grave, previa audiencia ó interesado, mediante expediente disciplinario tramitado conforme ó Regulamento Xurisdiccional e Disciplinario da Federación Galega de Caza.

## CAPITULO III

## ORGANOS DE REPRESENTACION E GOBIERNO

**ARTIGO 9º.-** Son órganos de representación e goberno da Sociedade Deportiva de Cazadores de Pontas..... a Asemblea Xeral, a Xunta Directiva, e o Presidente.

**ARTIGO 10º.**- O Presidente da Xunta Directiva e, no seu defecto, aqueles outros membros da mesma que determinen os Estatutos, ostentarán a representación legal da Sociedade, actuarán no seu nome, e estarán obrigados a executa-los acordos validamente adoptados pola Asemblea Xeral e Xunta Directiva.

**ARTIGO 11º.**- A Xunta Directiva, estará formada por un número de membros non inferior a cinco nin superior a quince, da que formarán parte ademais do Presidente, un Secretario, un Tesoureiro, e alomenos un Vocal por cadaunha das seccións deportivas existentes.

1.- Corresponden á Xunta Directiva as seguintes atribucións:

- a) Mante-la orde e a desceplina na Sociedade, así como nas competicións que organicen.
  - b) Convocar, por medio do seu Presidente, a Asemblea Xeral cando o estime necesario, cumprindo e acatando os acordos e decisións da mesma.
  - c) Sinala-las condicións e forma de admisión de novos socios, así como as cuotas de ingreso e periódicas que deban de satisfacerse, debendo de ser ratificados ambos extremos pola Asemblea Xeral Extraordinaria .
  - d) Redactar ou reforma-los Regulamentos de Réxime Interior, fixando as normas de uso das instalacións e as taxas correspondentes, que en todo caso deberán de ser comunicadas á Asemblea Xeral e aprobados por ésta.
  - e) Nomea-las persoas que vaian a dirixi-las distintas comisións que se creen, así como organiza-las actividades da Sociedade.
  - f) Formular Inventario e Balance Anual, así como redacta-la Memoria anual da Sociedade e, en xeral, aplicar tódalas medidas deportivas, económicas e administrativas precisas para o fomento e desenvolvemento do deporte dentro da Sociedade.

**ARTIGO 12º.-** A Xunta Directiva quedará validamente constituída en primeira convocatoria cando concurran a ela a maioría dos seus membros. En segunda convocatoria será suficiente a concorrencia, polo menos, de tres dos seus membros e, en todo caso, do Presidente ou Directivo no que éste delegue.



A Xunta Directiva será convocada polo seu Presidente con dous días de antelación, como data da celebración. Tamén poderá ser convocada a petición de tres ou máis dos seus membros.

**ARTIGO 13º.-** A Xunta Directiva quedará tamén validamente constituida cando estean presentes tódolos seus componentes, aínda que non mediara convocatoria previa.

**ARTIGO 14º.-** A elección do Presidente, e demais membros da Xunta Directiva efectuarase por períodos de catro anos, mediante sufraxio libre, directo, igual e secreto, por e entre os membros da Asemblea Xeral, conforme se estable no Anexo I dos presentes Estatutos. Tódolos cargos directivos son reelexibles.

**ARTIGO 15º.-** O Tesoureiro da Xunta Directiva será o depositario da Sociedade, asinará os recibos, autorizará os pagos e levará os Libros de Contabilidade.

Será obrigación do Tesoureiro, formalizar durante o primeiro trimestre de cada ano, un Balance de Situación e as Contas de Ingresos e Gastos, que se poñerán en coñecemento de tódolos asociados.

**ARTIGO 16º.-** O Secretario da Xunta Directiva coidará do arquivo da documentación, redactará cants documentos afecten á marcha administrativa da Sociedade e levará o Libro de Rexistro de Asociados e Libro de Actas.

**ARTIGO 17º.-** O órgano supremo de governo da Sociedade é a Asemblea Xeral, que estará integrada por tódolos socios de número con dereito a voto.

Cando o número de socios excede de mil, a Asemblea Xeral, por razóns de aforo ou capacidida física do local, poderá decidi-la elección de Representantes:

- a) Elixiranse dez representantes por unidade de cen, mediante sufraxio libre, igual e secreto.
- b) Os socios candidatos a representantes deberán de presentarse con quince días de antelación á data da elección, debendo de consta-la súa aceptación.
- c) A elección dos socios representantes será bianual, debendo de intervir, polo tanto, en tódalas Asembleas Xerais, tanto ordinarias como extraordinarias, que se celebren no período para o que foron elixidos. Non poderán ser reelexidos para o seguinte período bianual, e a súa asistencia ás Asembleas Xerais é obligatoria.

**ARTIGO 18º.-** As Asembleas Xerais, tanto ordinarias como extraordinarias, quedarán validamente constituídas en primeira convocatoria cando concorran a ela, presentes ou representados, a maioría dos socios. En segunda e última convocatoria (aproximadamente media hora máis tarde) quedarán constituída calquera que sexa o número de membros presentes. Entre a data da convocatoria e o día sinalado para a celebración da Asemblea terán que mediar, como mínimo, dez días naturais, e non poderán transcorrer máis de vinte.

**ARTIGO 19º.-** A Asemblea Xeral convocarase polo Presidente a iniciativa propia, ou a petición, por escrito, de alomenos o 25% dos socios de Número.

1. A Asemblea Xeral reunirse con carácter ordinario, previa convocatoria do Presidente ou Directivo no que delegue, alomenos unha vez ó ano, para trata-las seguintes cuestiós:

- a) Aprobación, se procede, das Contas Anuais, Liquidación de Orzamentos, e Memoria explicativa do exercicio, se procede.
- b) Aprobación, se procede, dos Orzamentos para o exercicio seguinte.
- c) Memoria da actividade realizada.
- d) Proxectos e propostas do Presidente ou da Xunta Directiva.
- e) Proposicións que formulen os socios e que terán que ser asinadas, alomenos, polo 5% dos mesmos.



f) Rogos e Preguntas.

2. Terá que celebrarse Asemblea Xeral extraordinaria para a modificación de Estatutos, elección de Presidente e Xunta Directiva, tomar cartos a préstamo, emisión de títulos representativos de débeda ou de parte alícuota patrimonial, enaxenación de bens inmóbiles e fixación das cuotas dos socios, así como para decidir votos de censura propostos en forma a calquera dos integrantes da Xunta Directiva ou a ésta no seu concuento.

Os acordos da Asemblea Xeral e da Xunta Directiva, serán vinculantes e de obrigado cumprimento, e terán forza executiva a partir da data da súa adopción, sen prexuízo, por razón da materia, da posibilidade da súa impugnación ante os órganos competentes da Federación Galega de Caza, ou perante o Comité Galego de Xustiza Deportiva.

## CAPITULO IV

### REXIME DOCUMENTAL

**ARTIGO 20º.**- O réxime documental da Sociedade constará dos seguintes libros: Rexistru de Socios, de Actas e Contables.

**ARTIGO 21º.**- No Libro de Rexistru de Socios, deberán de consta-los nomes e apelidos dos socios de número, o seu Documento Nacional de Identidade, e no seu caso, os cargos de representación, goberno e administración que exerzan na Sociedade. Tamén se especificarán as datas de altas e baixas, e as de toma de posesión e cese nos cargos aludidos. Os Libros de Socios deberán de estar dilienciados pola Federación Galega de Caza ou polo Rexistru de Asociacións Deportivas e Deportistas de Galicia.

**ARTIGO 22º.**- Nos Libros de Actas, consignaranse as reunións que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. As actas deberán de estar asinadas, en todo caso, polo Presidente e polo Secretario. Os Libros deberán de estar dilienciados pola Federación Galega de Caza ou polo Rexistru de Asociacións Deportivas e Deportistas de Galicia

**ARTIGO 23º.**- Nos Libros de Contabilidade figurarán tanto o patrimonio como os dereitos e obligacións, e ingresos e gastos da Sociedade, debendo de precisarse a procedencia daqueles e a inversión ou destino destes. Os Libros terán que estar dilienciados pola Federación Galega de Caza ou polo Rexistru de Asociacións Deportivas e Deportistas de Galicia.

## CAPITULO V

### REXIME DISCIPLINARIO

**ARTIGO 24º.**- Os órganos e socios da Sociedade estarán sometidos ó Regulamento Disciplinario da Sociedade, ó Regulamento Disciplinario da Federación Galega de Caza, e ó disposto no Título VII da Lei 11/1997, Xeral do Deporte de Galicia, e normativa do seu desenvolvemento.

**ARTIGO 25º.**- O Presidente e membros da Xunta Directiva, responderán fronte ós socios, á Sociedade ou terceiros, dos prexuízos que ocasionaren por culpa ou negligencia grave, de conformidade coa regulamentación propia da Sociedade e Ordenamento Xurídico vixente.



## CAPITULO VI

### REXIME ECONOMICO-FINANCIERO E PATRIMONIAL

**ARTIGO 26º** - A Sociedade de Cazadores...D.E. PORTAS..... someterase ó Régime de Orzamentos e Patrimonio propio coas seguintes limitacións:

a) Non poderá destina-los seus bens a fins industriais, comerciais, profesionais ou de servizo, nin exercer actividades de igual carácter co fin de repartir beneficios entre os seus socios. Os seus ingresos aplicaranse integralmente á conservación e fomento do seu obxecto social.

b) Poderá fomentar manifestacións de carácter físico-deportivo dirixidas ó público en xeral, aplicando os beneficios acadados ó desenvolvemento das actividades físicas e deportivas dos seus asociados.

c) A Sociedade de Cazadores D.E. PORTAS..... poderá gravar e enaxenar bens inmobles, tomar cartos a préstamo, emitir títulos transmisibles representativos de débeda ou parte alícuota patrimonial, sempre que cumpla cos seguintes requisitos:

1º. Que tales operacións sexan autorizadas por maioría de dous tercios dos socios presentes ou representados en Asamblea Xeral Extraordinaria.

2º. Que ditos actos non comprometan de xeito irreversible o patrimonio da Sociedade ou a actividade físico-deportiva que constitúa o seu obxecto social. Para a adecuada xustificación deste extremo poderá esixirse, sempre que o soliciten como mínimo o cinco por cento dos socios de número, o oportuno dictamen económico-actuarial.

3º. Cando se trate de tomar diñeiro a préstamo, gravar ou enaxenar bens inmobles en cuantía superior ó cincuenta por cento do orzamento anual, ou que represente unha porcentaxe igual ó valor do patrimonio, así como nos supostos de emisión de títulos, requerirase informe favorable da Federación Galega de Caza.

4º. Si se tratase de gravar ou enaxenar bens inmobles que foran financiados en todo ou parte, con Fondos Públicos da Comunidade Autónoma, será preceptiva a autorización da Secretaría Xeral para o Deporte da Xunta de Galicia, previo informe da Federación Galega de Caza.

**ARTIGO 27º.-** A Sociedade de Cazadores. D.E. PORTAS..... poderá percibir libremente doazóns que non excedan da cantidade de 3.000 Euros. No suposto de doazóns que superen esta cantidade, precisarase autorización expresa da Secretaría Xeral para o Deporte da Xunta de Galicia, previo informe da Federación Galega de Caza.

### ARTIGO 28º.-

1. A Sociedade de Cazadores D.E. PORTAS..... poderá emitir títulos de débeda ou de parte alícuota patrimonial.

2. Os títulos serán nominativos.



## ARTIGO 29º.-

1. Os títulos inscribiranse nun Libro que levará ó efecto a Sociedade, no que se anotarán as sucesivas transferencias.
2. En tódolos títulos constará o valor nominal, a data de emisión e, no seu caso, o interese e prazo de amortización.

**ARTIGO 30º.-** Os títulos de débeda somentes poderán subscribilos os socios, e a súa posesión non conferirá dereito algúns especials ós socios, agás a percepción dos intereses establecidos conforme á legislación vixente.

**ARTIGO 31º.-** Os títulos de parte alícuota patrimonial serán asemade subscritos polos socios. En ningún caso estes títulos darán dereito á percepción de dividendos ou beneficios.

**ARTIGO 32º.-** Os títulos de débeda e parte alícuota patrimonial serán transferibles únicamente entre os que teñan a condición de socios.

## CAPITULO VII

### REFORMA DOS ESTATUTOS E DISOLUCION DA SOCIEDADE

**ARTIGO 33º.-** Os presentes Estatutos somentes poderán ser modificados, reformados ou derogados por acordo da Asemblea Xeral Extraordinaria convocada ó efecto, mediante votacións favorables dos dous tercios dos socios de número asistentes.

A reforma destes Estatutos seguirá, con respecto ó Rexistru de Asociacións Deportivas e Deportistas de Galicia, os mesmos trámites administrativos que para a súa aprobación.

**ARTIGO 34º.-** A Sociedade de Cazadores ...DE.....PORTAS..... extinguirase ou disolverase por:

- a) Acordo de dous tercios dos socios en Asemblea Xeral Extraordinaria, convocada a tal efecto.
- b) Por sentencia xudicial.
- c) Por outras causas legalmente determinadas.

En todo caso este acordo deberá de ser notificado á Federación Galega de Caza e ó Rexistru de Asociacións Deportivas e Deportistas de Galicia.

**ARTIGO 35º.-** Disolto a Sociedade de Cazadores ...DE.....PORTAS..... o remanente do seu patrimonio social, se o houbera, aplicarase a fins análogos de carácter deportivo, ben por acordo previo da Asemblea Xeral ou subsidiariamente pola Federación Galega de Caza e/ou Secretaría Xeral para o Deporte.

En PORTAS, a 13 de MARZO de 2004

A XUNTA DIRECTIVA OU PROMOTORES,  
(Sinaturas)